

Չիլի ն գ ա ղ յ ա ն Մխիթար Գեվորգի



Ծնվել է 1972թ. մայիսի 16-ին՝ Երևանում: Ավարտել է թիվ 118 դպրոցը: Ձբաղվել է սպորտով: 1992թ. մայիսի 4-ին զորակոչվել է ժամկետային ծառայության: Ծառայել է թիվ 016 զորամասում:

ՈՒ Երդվել ...

Մասնակցել է Տավուշի մարզի ինքնապաշտպանությանը: Արժվաշեն գյուղի պաշտպանության ժամանակ. 1992թ. օգոստոսի 8-ին երդվյալ զինվորը զոհվում է:

1996թ. 20 սեպտեմբերի հրամանագիր

Հայաստանի Հանրապետության նախագահի կողմից

Առաջին Աստիճանի Մարտական Խաչ

չքանչանով է պարգևատրվում

Մխիթար Գևորգի Չիլինգարյանը:

Նաղյա Չիլինգարյան /մայրը/ -

- Մխիթարը փոքր հասակում սիրում էր խորանարդիկներով տնակ պատրաստել: Չէր սիրում քանդելն ու թափելը, նրա էության մեջ կար միայն սարքելու և կառուցելու ձգտումը: Բայց ինչպես մյուս երեխաները, նա էլ էր սիրում «կռիվ-կռիվ» խաղալ, հաճախ գնում էր հրաձգարան՝ կրակելու: Սիրում էր ճանապարհորդել, ճանաչել աշխարհը: Սիրում էր աշխարհը...

- Սիրահարվել է, անշո՛ւշտ: Գուցե և արդեն սիրե՞լ...

- Հանգիստ էր և ինքնամփոփ, չէր արտահայտվում: Բայց սիրում էր մի աղջնակի՝ դպրոցական հասակում: Անունն Աննա էր: Այնքան ինքնուրույն էր, որ ոչ մեկից ոչինչ չէր հարցնում: Սակայն մարդամոտ էր և մարդասեր: Սիրված էր շրջապատի կողմից:

- Նա ապրու՞մ էր իր ժողովրդի հոգսերով:

- Իհարկե՛: 1988թ. երկրաշարժի ժամանակ նա աշխատել է «Սպիտակ» փրկարարական ջոկատում:

- Ի՞նչ երազանքներ ուներ Մխիթարը:

- Նա ավարտել էր թիվ 18 ուսումնարանը, ուներ կարող-մոտորավարի մասնագիտություն, որով և ուզում էր ավելի խորանալ: Չէր սպասում, որ պատերազմ կլինի, նա հոգով խաղաղ էր ու խաղաղության մարտիկ:

- Դուք սպասու՞մ եք, որ կարող է կրկին պատերազմ լինել:

- Մենք՝ մայրերս, չե՛նք ուզում, որ այլևս պատերազմ լինի, որ էլ ո՛չ մի մայր նման վիշտ չտեսնի, որ չորբանա՛ն մեր երեխաները և նրանց աչքերը միշտ ժպտան: Բայց եթե պետք լինի, որ պաշտպանենք մեր հայրենիքը, ապա մյուս տղայիս էլ հաղթանակ կմաղթեմ:

- Ի՞նչ կմաղթեք մեր ազատամարտիկներին:

- Ես նրանց առաջին հերթին ցանկանում եմ՝ առողջություն և ընտանեկան անդորր: Թող նրանք երբե՛ք ընկճված չլինեն և միշտ հիշեն, որ ժողովուրդն իրենց սիրում և հարգում է:

- Ի՞նչ կմաղթեք «Ազատամարտիկ» -ին:

- Թող կազմակերպության հիմքերն ամրանան: Բարին միշտ նրան առաջնորդի, թող մեր խոսքը հնչի ձեր բերանով, լինեք մե՛րը և մի՛շտ ժողովրդի կողքին:

Կ Ա Տ Ա Կ ՈՒ Մ ԵՆ ԱԶԱՏԱՄԱՐՏԻԿՆԵՐԸ

Արցախ Աշխարհում կենաց ու մահու պայքար էր: Նոր էին նստել մարտական գործողություններից հոգնած տղաները.

- Մի բուռում բան ուտենք, կհասցնե՞նք...

- Տղե՛րք, մի շիշ գինի էլ ունենք:

- Պա՛հ-պա՛հ, համ էլ կտաքանանք:

Հնչեց մարտական տագնապի ազդանշանը, բոլորը շարժվեցին դեպի հրացաններն ու սկսվեց թե՛ մարտը: Մի քանի ժամից պայքարը քիչ-քիչ հանդարտվեց և տղաները կրկին սեղանի կողքին էին.

- Մի քիչ հաց ուտենք...

Գինու շիշը դատարկ դրված էր սեղանին: Նայեցին իրար - բոլորը մարտին մասնակցել էին.

- Տղե՛րք, գինին ո՞վ խմեց...

Բուժքույր Աննան, դաժան օրվա ցավերից հոգնած, քնելու տեղ էր փնտրում: ՈՒշ գիշեր էր: Տղաներն էլ էին հոգնած և նրա համար տեղ չէին թողել: Արդեն քնել էին:

Աննան դրսում պտտվե՛ց – պտտվե՛ց և կարծես մի փոսում փափուկ տեղ գտավ:

Շոշափեց, ժպտաց և անմիջապես պառկեց քնելու:

Առավոտյան բացեց աչքերը: Մի ձեռք կախված էր դեմքի վրա: Հետ շարտեց: Չեռքն իներցիայով հետ եկավ և հարվածեց դեմքին: Շատ սառն էր: Մի քանի նման անհաջող կատակից հետո Աննան զայրացած ոտքի կանգնեց... և բղավոցով դուրս թռավ փոսից.

- Տղե՛րք, թուրքերի մեռելները...

Տղաները վաղուց արդեն դիտում էին Աննային, երբ դեռ քնած էր... նրանց գրկում: